

**Zeitschrift:** Igl Ischi : organ della Romania (Societat de Students Romontschs)

**Herausgeber:** Romania (Societat de Students Romontschs)

**Band:** 75 (1990)

**Heft:** 2

**Artikel:** Smaladi Giacobiners

**Autor:** Giger, Hubert

**DOI:** <https://doi.org/10.5169/seals-881593>

### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 30.07.2025

**ETH-Bibliothek Zürich, E-Periodica, <https://www.e-periodica.ch>**

# S M A L A D I GIACOBINERS

---

H U B E R T   G I G E R

---

Dad ina vart: mirar in techet tgei ch'ei iu e curriu igl onn 1799 — cunzun il mars e l'entschatta matg — ella Surselva, ella Cadi; 1799, diesch onns suenter la Gronda Revoluziun en Frontscha.

Da l'autra vart: mirartgei che nos antenats — cunzun poets dalla «Renaschientscha romontscha» (pader Maurus Carnot [1865-1935], Giachen Hasper Muoth [1844-1906], Giachen Mihel Nay [1860-1920], Alfons Tuor [1871-1904]) — tertgavan dal Franzô e sia revoluziun.

Tut ensem: tratgs e fatgs, meinis e commentaris; quei sguard el vargau sebasa — quei che pertucca eveniments — sin Caspar Decurtins: «Der Krieg des Bündner Oberlandes gegen die Franzosen, Cuera 1875» e: per seregurdar dil pader benedictin Placi à Spescha (1752-1833) che vegneva titulaus «Giacobiner».

«Die Revolution ist wie ein Saturn, sie frisst ihre eigenen Kinder». (Büchner en «Dantons Tod»)

Igl onn 1789 suenter Cristus derscha il pievel franzos ses aristocrats e prelats sisum il scalem dalla societat; il Franzô va fregamein da scala si tocca sum e tarmetta quels dalla caultscha cuorta e quels dalla

rassa liunga giuaden ella Val da Giosafat; aber nies prenci-poet Giachen Hasper di quei culla rema: «Il pievel franzos en confusiun vul uss dapertut schendrar confusiun, . . .»<sup>1</sup>

Luigi ils Quitordisch (1643-1715) ha fatg bancrut, sias uiaras, sia administraziun caota e corrupta e siu regl da sepresentar e splenghiar han fatg ir ad ault las cefras cotschnas; Luigi ils Quendisch (1715-1774) ei buca bia meglier e Luigi ils Sedisch (1774-1793) ei buca habels da midar zatgei, sia sort ei la guillotina; magliar o purtgarias grondas e pintgas han stuiu e ston quella ga buca mo il pur e mistergner, ei tucca è beinenqual signur; pagar taglia ston aristocrats e prelats buc. La bur-schuasia ed il proletariat stattan si, fan pugn e marschan viers la Bastille, simbol da perschunia e sclavaria; la garda svizra sto ceder alla forza da Parisianas e Parisians: «Mit Entsetzen vernahm das Volk am Fusse des Badus die erste Kunde von der französischen Revolution. Die Niedermetzelung der Schweizer am 10. August erregte Trauer und Unwille im ganzen Ländchen»<sup>2</sup> e penetrau ein auch tochen sisum la Cadi, sco Guglielm Gadola relata: «Duitg ils XVI hagien ins mazzau, la Baselgia spazzau e l'entira tiara sblundergiau. Empei ded uorden e religiun regi oz leu embrugls e destruziun.»<sup>3</sup>

Treis onns pli tard sescogna la Frontscha cun l'Austria e la Prussia, schuldada en- counter schuldada, Sia Eminenza Aultstima Signur General cheu e vi leu fema stupent la cigara fagend plans co far culla

fumitgasa e co marschar davonen e dar culla reserva ella flanca.

La Svizra tarmetta ils ses en mondura sils cunfins, pertgei il Franzô vegn, allons enfants de la patrie, «stei si affons de nossa patria e mei el gloriis combat! La tirannia seprepara de ventscher nossa libertad.»<sup>4</sup>

Ferton che en Frontscha stattan stram Robespierre, Marat, Danton e collegas, cantond il himni e gizzond la guillotina; sil cuolm fan ils Giacubins stavel, ella planira stendan ils Girondists la zelta, aber ils Giacubins verteschan nuota propri quellas tendas stendidas; Robespierre, il grond moralist, vul tut ni nuot — e la finala survegn el nuot.

«Naturals ni buc?»

Smaledet stretg vegn ei per nos antenats ils 1797; la Frontscha pren possess dalla Lombardia e dalla Valtlina, da Bormio e Clavenna e «nossas saunas ed uregeivlas Cumpignias de mats della Cadi» manegian ils 24 da fenadur 1798 che la tiara sappi vegnir salvada «dal giuv franzos, suletta mein entras ina curaschusa resistenza, mo buca entras bials plaids e bahaultschas raras, sco certi signurs da Cuera han adina venal. La politica senza forza ei mo fem e vala nuot. La gronda part dils Signurs dellas III Ligias, cunzun quels dellas outras duas, oravon tut ils de Cuera e contuorn, han piars la forza dils babuns ed aschia sfarlatau da bibugen Valtelina, Clavenna e Bormio. . . Perquei gidan ozildi mo las armas e per consequenza havein nus, car-

tend de cheutras defender nossa patria, formau dus corps de catschadurs, à duas compagnias.»<sup>5</sup>

Ils 200 uregeivels mats cumpran sinquei 400 fisis novs e treneschan mintga dumengia pil combat.



La sperdita dalla Valtlina ei ina brava schlepra pils aristocrats grischuns; quella anncziun mutta dameins tscheins, dameins splenghiem e defilés e rumplanem. Ils 17 d'uost 1798 sto la nova «Republica Helvetica» conceder al vischin egl occident il dretg da marschar atras la tiara. Tgei far? «Der gemeine Mann betrachtete die Franzosen als die Verächter der Religion, als die Feinde der Freiheit und des Vaterlandes. Im Oberlande war das Volk entschlossen, sich der auf französische Bajonetten gegründeten Helvetia nicht anzuschliessen, ebensowenig in irgend einer Form eine allfällige österreichische Oberhoheit anzuerkennen.»<sup>6</sup> Il pievel sursilvan seigi dapi 300 onns libers e seholi buca dad ina «nova libertad» e Vincenz translatescha e metta per part da quei che stat insuma negliu el text da Decurtins, sco per exemplpel: «Profundamein religius, perhorrescea il pievel las doctrinas anti-

religiusas, che caracteriseschan la revoluziun franzosa. Grevs motivs sozials e religius destinavan il pievel sursilvan de mantener il status quo.»<sup>7</sup> Il meini general ei da restar «naturals», quei vul dir neutrals. Ils Franzos fan da saver ch'ei acceptien la neutralitat dil Grischun, sch'ils Austriacs fetschien era quei.

Aber il magistrat dalla Cadi decida autruisa, el pren partida pils «Kaiserlichs». Ina cumissiun deputescha umens el Valleis, a Cuera, a Sviz ed el Tessin, per vegnir sis-su tgei meinis che regian. Aunc quei atun 1798 metta il cumin dalla Cadi «forpostas» sil Cuolm d'Ursera e sil Lucmagn, plinavon van «spias» a spiunond pils lands e caschunond bravamein spesas. Il Libertad da Truaisch per exempl vegn «termess vin Manvaillia sco spia per dus dis», e quei cuosta 3 flurins.<sup>8</sup>

El medem temps elaboreschan las autoritads in uorden d'uiara pil cumin, ed ei vegn rimnau armas, munizion, puorla e plum.

### La cuglianada

«In dem Oberländischen Surselvathal war es allgemein kundbar, dass die Republik sich zur Neutralität entschlossen habe, demnach war es für die österreichisch Gesinnten kritisch, einen Vorwand auszudenken, um das Publikum darauf vorzubereiten, dass es dem österreichischen Heer einzurücken erlaubte»,<sup>9</sup> aschia pad der Placi à Spescha. Ei dat denton in tric! Ils 17 d'october 1798 vegn ina dunna da Pigniu (autras perdetgas tschontschan

d'in ni treis umens) a Mustér e rauenta ch'ella hagi viu a veggend l'armada franzosa sur igl Ursera. Ei vegg mobilisau il landsturm, al qual la claustra sto dar albiert e nutriment. Avat Laurentius scappa cun 10000 flurins ella buorsa a Churwalden. Il Cussegli d'uiara fa tuccar da stuornas ed envidar sils aults casets da fiug. Umens da Sumvitg, Trun, Sursaissa, Glion e Lumnezia arrivan a Mustér. Il Franzô ei aber negliu perpeis. Sinquei va ina cumissiun on Ursera tiels Franzos. Il commandant dalla tricolora sinceresch als deputai ch'el hagi neginas ordras dad attaccar la Surselva e ch'el vegli dar part cu ei seigi aschi lunsch.

Duront che la cumissiun ei on Ursera, instiga landrichter Benedetg da Caprez, sustenius dils mistral Paly da Medel e Schmid da Sumvitg, da supplicar per agid ils Austriacs. Decurtins numna da Caprez in «gewandte(n) Damagog(en), eifrige(n) Parteigänger Oesterreichs», mistral Schmid ei per el «ein Mann aus dem Volke, ohne eigentliche Bildung, aber scharfsichtig, beredt und populär. Sein glühender Franzosenhass kannte keine Schranken und er erblickt das Heil des Landes lediglich in einem Bündnis mit dem Hause Habsburg und in einem gemeinsamen Kriege gegen die Heere Frankreichs. . . Damit war der erste verhängnisvolle Schritt gethan. Freilich ahnten Viele im Lande, dass es sich im Grunde um ein abgekartetes Parteispiel handelte. Sagt doch der hellsehende P. Pi. à Spescha hierüber: «Kluge Leute sahen den Betrug leicht ein, das Volk aber war verblendet.»<sup>10</sup>

Tenor Decurtins occupeschan las truppas austriacas lu gest ils 18 d'october il Grischun, tenor Müller eisi avon quei datum.<sup>12</sup> In'auter historiograf, Pieth, scriva: «Um für den bevorstehenden Krieg eine vorteilhafte Ausgangsstellung zu gewinnen, versicherte sich Oesterreich rechtzeitig Graubündens. . . Der verhängnisvolle Schritt war getan; die Häupter, Bundesobersten und Kriegsräte hatten die Neutralität preisgegeben.»<sup>12</sup>



Paucs dis sissu pren ina cumpagnia austriaca quatier a Glion, in'autra a Mustér. Il sbagl ei aber stau — sco Genelin manegia — da buca ver clamau dapli schuldada jastra.<sup>13</sup>

Pils AUNGHELS DALLA GLISCH — sco ils Austriacs vegnan numnai — duein ils benedictins ver fatg in verschel:  
 «Omen est nomen  
 Ussa Rezia buca tema,  
 Buca plonscha, nuota schema,  
 Bellegarde ei cheu per tei;  
 Vigilonza biala sperta  
 E siu num cun la cunderta  
 A ti dattan plaid de quei.»<sup>14</sup>  
 Ed il medem temps fan ils paders capetels sin capetels; e pli tard lu lai in confrar di Elisabet en «Armas e larmas»: «Sche vegli Dieus als nos oz dar victoria, termetter aungels giu sin las muntognas!»<sup>15</sup>

Il schlacht, ni «Ein jeder Engel ist schrecklich»(Rilke)

---

Il commandant franzos ad Andermatt rapporta ils 4 da mars 1799 als Cussegl d'uiara dalla Cadi, ch'el hagi ordas da s'avanzar. El scriva plinavon en ina procla-

maziun ch'ils Franzos seigien buc ils initgs dils Sursilvans e ch'els vegnien buca per purtar l'uiara, mobein per siglientar ils inimitgs dalla Frontscha, dalla Surselva e dalla libertad ord la tiara. Il capitani dils catschadurs poetisescha: «Grischuns libers, Grischuns libers en perpetenlein restar; gl'inimitg giest sco tons tigers lein pigliar e massacrar.»<sup>16</sup> Muoth fa exact las medemas remas, dano ch'el numna ils Franzos «vivras».»<sup>17</sup>

Ils meinis ein daditg urdi, proclamaziuns vi ni neu. Il Cussegl d'uiara cloma ils cumbattants allas armas; ei vegn puspei tuccau da stuornas. La notg dils 5 sils 6 da mars 1799 vegnan ils Franzos cun ca. 300 umens sul Lucmagn e cun 500 (tenor Spescha) ni cun 1000 (Berchter) ni schizun cun 1500 (Genelin) umens sul Crispault. Enta Medel anflan els sulet ina veglia che veglia sper ina bara: «Die Franzosen ehrten ihre Pietät und ihren Muth, thaten ihr kein Leides an und liessen ihre Wohnung unangestastet.»<sup>18</sup>

La schuldada sblundregia las casas; rauba da pauca valeta portan ei ensem sin in migliac, aschia ch'ils Medelins han — returnond giu dils aults — sescagnau per lur siat caussas.

Ils 5 d.q. fa la schuldada sut il commando da general Loison bivac sil pass, l'auter di occupescha ella Tujetsch. Entgins rumpan en baselgia; il caplon e siu frar vegnan menai naven e mazzai; dus umens ch'ein restai a Bugnei fan resistenza, tochen ch'in sto schar la veta e l'auter scappar.

Mustér seprepara per la battaglia. Landsturm (ca. 4000-5000 umens), catscha-

durs (ca. 200), Austriacs, paders ein pinai. Culla rema fa Giachen Mihel Nay: «Ed a Mustér ils purs vilai cun pugns e pals ein sepainai»<sup>19</sup> ni senza rema di Decurtins: «Ein eigenes Bild bot das zum Vernichtungskampfe angestachelte Bergvolk. Von Natur kriegerisch, acceptirte schliesslich das kleine Volk am Vorderrhein den Gedanken seiner Parteihäupter und ging rüstig an die Arbeit. Der Schrei nach Waffen hallte durch die Thäler.»<sup>20</sup>

In parlamentari dils Franzos arriva per du mandar ils Austriacs e ses alliai, sch'ei veglien serender, per evitar larmas e plagas. Tochen il pli davos daguot da saung veglien els sedefender, rispunder il Cussegl d'uiara. Ella cantata da Muoth conta il chor dils catschadurs: «L'aduala sclaveria dils Franzos ei tresta sort. Pli bugien che tirania semiglonta lein la mort.»<sup>21</sup> E tgi enconuscha buca la parola dils Grischuns d'Alfons Tuor ni igl «exempel» da pader Maurus Carnot: «Igl exempl, igl exempl de nos vegls lein imitar: nus lein els entoch'il tempel della gloria suondar.»<sup>22</sup> Ella brentina dils 7 da mars prendan las partidas posiziun ina encounter l'autra. Ils Franzos penetreschan el vitg da Mustér, vegnan denton attaccai vehementamein dil landsturm armaus «cun pals e stadals, faulschs e flugials.»<sup>23</sup> Ils catschadurs siettan tgei ch'ei pon, ils Austriacs prendan las combas sut bratsch e fui sch'ti pos. Igl inimitg sto seretrer a Raveras e da leu sur Salaplauna tochen a Fontanivas. Ed ils Sursilvans dattan ti mordio sils calcogns als aunghels dalla stgiradetgna e sturneschan tut quei ch'ei pon tier. General Loison

vegn tratgs suenter ella neiv cun ina suga entuorn veta. En ina brev al Directorium dalla Frontscha dat Loison lu è la cuolpa da sia terrada alla nevada ed a marschadas stentusas. Sil cuolm d'Ursera ha ei aunc dau ina lutga, ella quala tschun Sursilvans ein curdai.

Entuorn 150 Franzos han stuiu schar la veta, ca. 30 ein vegni blessai (quei tenor Spe-

scha, auters tschontschan da 400 tochen 800 morts). Als Austriacs mauncan 20, als Grischuns 13 umens. «Suenter haver dau il schlacht»<sup>24</sup> vegnan ils blessai transportai en claustra e fleghiai da pader Placi à Spescha. Ed il chor giubilont da Muoth tila ils fols: «Sco von temps ils vegls Grischuns. Fegl vengonzs de bravs babuns, vein nus oz victorisau, nossa patria liberau, . . .»<sup>25</sup>



L'attacca purila a Mustér.

## La rebbelliun

En Surselva regia ussa spir legria sur dalla victoria encunter ils smaladi Giacobiners, ei vegn fatg fiasta e perdananza. Aber cuorta ei la legria. General Massena hagi battiu l'armada austriaca e General Demont marschi viers la Surselva. La Cadi decida gl'emprem da far puspei resisten-

za: «Il pievel liber, buc disaus de viver en cadeinas, camond'en sia casa sez. . .»<sup>26</sup> Pader Baseli Veit declara ch'ei seigi pli impurtont da far paisch. Pader Placi à Spescha e cun el zacons deputai semettan sin via encunter Cuera. El Plaun d'Autras sper Danis s'entaupan ei cun Demont. Ella capitulaziun sto il cumin da Mustér garantir ruous, sesuttametter e dar da ma-

gliar e da beiber allas garnischuns franzosas. Encuntercomi segirescha il general alla tiara libertad da religiun e possess.

Ils Austriacs vegnan arrestai a Trun. Cun Demont arriva era Loison a Mustér. Ils 16 da mars bandunan las truppas franzosas la capitala della Cadi, sulet tschun cumpagnias restan ella vallada.

Dus dis pli tard vegn in commissari dalla Frontscha e pretenda ina contribuziun da 100000 francs. Quella duess la claustra pargar, pertgei ella seigi la culponta da tut disuorden e malruaus. Ils paders protestan, mo senza success. La fin finala sto la claustra aunc dar sia vischala e siu mobilier, pader Placi sia collecziun da cristallas. La regenza provisoria a Cuera camonda da surdar scadina arma. General Massena lai era intercurir ils fatgs dalla battaglia dils 7 da mars; adherents dall'Austria vegnan deportai.

Dad Innsbruck auda la Surselva sur d'in plan da star si encunter ils novs regents. General Menard, successor da Massena, relai ina proclamaziun ils 4 d'avrel da vuler castigar tuts che revoltan encunter il niev uorden.

Denton tiranisescha il niev commissari Hardeville malamein ils da Mustér e contuorn. El fa confiscar biestga e graun; las repressalias fan gleiti ir suro l'aua. Pader Placi decida dad ir a Cuera e tschintschar culs schefs da Hardeville.

Calonda matg entscheiva la revolta en Tujetsch. 50 schuldai franzos vegnan mess a ferm. A Mustér va ei in bien ton pli ditg, tochen ch'igl inimitg sto sesurdar. Beinenqualin mazzacran ils purs vilai, perdun dat

ei strusch; zacons dalla tricolora metschan en claustra e sedefendan taframein; in rest fui il davos siado els uauls sur Sumvitg, vegn aber è pigliaus. Il plevon po spindrar ils perschuniers dalla sontga gretta dil populaz (persuenter ei il vitg da Sumvitg pli tard buca vegnius braslen-taus).

Hardeville vegn sittaus giu, siu gidonter sturnius. Las garnischuns a Trun ed a Breil ston capitular. Il cumin decida da catschar igl inimitg per adina ord la tiara, sbarbuta gie la misterlessa e dunna dil mistral Schmid: «O detti Dieus, che nossa tiara vegni liberada, ina gada per adina, da quels laders e mordlers.»<sup>27</sup> Ei va la tschontscha che la giuventetgna dalla Surselva dueigi vegnir menada en cadeinas on Ursera. La glieud ei grittentada tocca sum. Berchter raquenta en siu diari sur dils Medelins: «Ils de Medel . . . han entschiet a dar vid ils prischuniers, han priu uras de sac, ils dànèrs et ils lur abersacs giu da dies . . . aber buc avunda: tuta notg ein ils de Medel ira per ina ustria e lautra a buent e migliont, sco tier quei ein els amaturi.»<sup>28</sup>

Denton vegn puspei fatg cumin per decider sur dalla sort dils 81 perschuniers. Ils da Medel vulan mazzar tuts, malgrad l'intervenziun da lur augsegner. Rueidas, rabantschas, dispetas. Pader Baseli Veit ei promts da dar sia veta pils Franzos. A Trun duei vegnir decidiu tgei che duei schabiar. Ils Franzos sebettan perfin en schanuglias, rugond per lur veta betschan els ils calzers dils purs.

Il landsturm semetta sin via culs perschuniers. Dado Mustér vegn in anteriu-

schuldaу dalla garda svizra en Frontscha a grend: «Coupez, coupez.» El viriveri taglian entgins las sugaras dils ligiai, auters sdreinan els. Ils Franzos che fuian vegnan persequitai e sturni, dano dus che scappan pir che sch'ei vessen quel dalla tegiasut sils calcogns. In da quels dus dat els mauns da zerclunzas da Sumvitg ch'en-carpan en sontga gretta il Giacobiner. «Die Niedermetzelung der französischen Gefangenen bei Disentis bleibt das schaurigste und am wenigsten aufgeklärte Blatt in der Geschichte dieses Aufstandes.»<sup>29</sup> «Von Carcarola bis Sontget nichts als Leichen!»<sup>30</sup> «Stermentusa ovra che cloma en tschiel per vendetga! Mo fatg ei fatg e selai nuota midar.»<sup>31</sup>

Il landsturm arriva lu a Trun ed endriescha ch'ils Franzos seigien sbrigai. Tonaton van Medelins da casa tier casa alla tscherca digl inimitg. In schuldaу malsau en letg vegn sittaus giu.

Sin via encounter Glion vegnan ils da Rueun aunc cun 30 perschuniers; ils da Medel ed auters vilai sblundregian els. A Glion s'uneschian ils Lumnezians cul triep dalla Cadi. A Sagogn vegn aunc teniu cus-segl d'uiara.

La fin dils valerus sursilvans

Ina part dils cumbattants s'avonza sur Flem e Trin, l'autra dalla vart dretga dil Rein encounter Cuera. Pader Placi che vegn gest da Cuera porta las novas ch'il reschime franzos vegli far grazia, sche tut las armas vegnien surdadas. Aber ils umens

teidlan buc. Els declaran ch'aunc 4000 Svizzers vegnien en agid sul cuolm d'Ursera ed igl imperatur austriac vegni cun si'armada sul Spligia e seigi gleiti a Cuera. Il kaiser e sia schuldada seigien batti, insista il pader. Adumbatten.

Il landsturm arriva a Rehanau. Seit ha il viadi fatg: «Cun stermentus ardiment se patroneschan els dellas buots vin de Tumein e Rehanau e se contegnan sco sel-vadis.»<sup>32</sup>

Il di sissu entscheiva la battaglia. Ils purs battan sco liuns (forsa cun baneras, faultschs, fisis, fuortgas, tardens e tur-schets encounter baionettas, buis e canuns): «Tut tgi ch'in'arma po purtar, va el combat terment; tut per la patria liberar la veta dat bugen. Dieus gida noss'armada, banduna buca nus!»<sup>33</sup>

Tuttenina survegnan ils Sursilvans agid dils purs da Muntogna. Ils Franzos ston se-retrer cun lur canuns a Domat. Leu sepa-trunescha la giuvna Onna Maria Bühler dad in canun. «Cun snueivla rabia s'avon-zan ils purs, roschas e roschas, encounter l'artilleria, che sdernava els sco ferca-glia.»<sup>34</sup>

Cu ei para sco sch'ils Sursilvans gudignas-sen il combat, cumparan 600 Franzos; hu-sars attaccan davonen, il rest dat ellas co-stas als purs che pon buca resister alla ca-vallaria. Quei ei la fin dils Sursilvans.

A Domat ed a Rehanau han 638 umens dalla Surselva piars la veta. L'armada fran-zosa suonda ils purs sils calcogns.

Alla Lumnezia adossechan ils Giacobi-ners ina contribuziun. Udend ch'els vegnien ensi, scappan ils da Mustér siado els



Onna Maria Bühler de Domat attaca ils Franzos.

aults. Era ils paders bandunan lur fatg. Igl avat pren las combas sut bratsch e me-tscha a Blizuna. «Ils stifters dil mal ein fugii sur cuolm vi et ira en tiara taliana; et ei gliei restau de morder il suget als paupers in-nozents, . . .»<sup>35</sup>

A Trun ei — grazia a marschal Caprez che ha gidau ils perschuniers franzos — buca vegniu dau fiug (medemamein a Sumvitg buc). Treis uras temps han las autoritads denton stuiu conceder als Giacobiners per sblundergiar il vitg. Auters vitgs ston dar contribuziuns (Breil 2800 frs. e 10 vaccas da maz, Tujetsch 5000 frs., Medel 5000 frs., sulet Schlans sto pagar nuot).

Ils 5 da matg 1799 arriva l'armada franzosa a Mustér e castigia vitg e habitants. La sera engarta la schuldada en claustra las unifor-mas da lur collegas morts duront la rebel-liun d'avon in pèr dis. Entras la gretta dils Franzos ston 22 personas schar la veta. L'autra damaun vegn dau fiug al vitg ed alla claustra. L'abbazia, la baselgia paro-chiala, 110 casas e 102 clavaus daventan l'unfrenda dallas flommas. Igl archiv dalla claustra e quel dil cumin ein per part piars. Ulteriuras 20 personas vegnan mazzadas ni stinschentadas dil fiug. Ils Giacobiners meinan naven 15 umens dalla vischnaun-ca da Mustér.

«. . . En pasch ruaussan spels Franzos ils

umens de Surselva, — che sco liuns han leu battiu e per la patria seunfriu.»<sup>36</sup>

«Quel sanrigla silg davoss; quel ca sa fida dilg frantzoss»

Quei ei il refrain d'in proverbi dils 1798.<sup>37</sup> Il Franzô e sias ideas ein buca stai beinvesi en Surselva; pader Placi à Spescha savess cantar ina petra canzun, el il «Giacobiner». En in'autra canzun pils Austriacs ei igl imperatur il grond gidonter: «Igl inimitg bein gronds ch'el ei, smanatschas schei mo far! Il Kaiser gida, buc temei, sigirs nies stat vegn star.»<sup>38</sup> Fetg semegliont als vers dils benedictins per Bellegarde. Aber ei ha è dau da gliez temps in auter meini, il qual tschontscha ualti clar d'intrigas dils menaders dil Grischun: «Las lur partidas, lur passiuns, lur fecht da guovernar, lur rabias e lur ambiziuns tut han fatg ruinar. En fiug e flomma han tschentau la nossa paupra tia-ra. Gie pigns e grons han lavagau e tratg neutier l'ujara», ni aunc pli concret siat strofas plinengiu: «Biars spirituals sut van motiv de sontga religiun, fanatisont ein stai gl'igniv de tonta perdiziun. La religiun

sto combinar la pasch e la ventira, stagl quei han els fatg or cuar sgurdins e bia sventria.»<sup>39</sup>

Ils fatgs digl onn 1798 e 1799 muossan o: La glieud ei vegnida surmenada da sias autoritads; è ils vers digl augsegner da Trun, sur Caplaci (1756-1807), han midau nuot: «Ton cuosta ei buc o tapfers Purs, sch'il tgau vegn siglientaus ad enzaconts signiurs, sch'ei il fatg schon gartiaus.»<sup>40</sup> Cups ha el schau o, sur Caplaci, aber il «fatg» ei buca «gartiaus». Magliar o l'entira pustraca han stuiu ils «tapfers Purs», els ch'ein vegni accumpaignai suenter la battaglia da Rehanau e Domat culs plaids: «La teila ei urdida el Tirol dils Signiurs tessida e tratg en culs cavels de nus Purs!»<sup>41</sup>

«Naturals» vulevan ei restar, aber en num dalla libertad ein ils Sursilvans suandai il clom dalla tschuetta rauca. Entgins onns pli tard han nos poets cantau himnis celestials a quei temps da complots e barlots, ils aunghels dalla glisch han perfin sclariu al prenci-poet e historiograf Giachen Hasper Denton; mintga temps ha sias reglas, mintga eveniment si'atgna logica. E — vein nus buca grad ozildi da quels che fan «cuar o» beinenqual «sgurdin»?